



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

23.12.2022

379-tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet ichki tartib qoidalarini buzish holatlari kuzatilmoqda.

Xususan, 2022-yil 25-noyabr kuni Jinoiy odil sudlov fakulteti 2-kurs talabasi Imomova Marjona Burxon qizi universitet 3-son Talabalar turar joyida istiqomat qilib kelib, shu kuni tungi soat 22-20 lar atrofida talabalar turar joyiga kechikib kelganligi sababli, tarbiyachi-pedagog Imomnazarov Hasan Ixtiyor o'g'li undan bu holat bo'yicha tushuntirish xati yozib berishni so'raganida talaba M.Imomova H.Imomnazarovni turli uyatli so'zlar bilan haqorat qilgan.

TDYU Odob-axloq komissiyasi tomonidan talaba M.Imomovaning mazkur xatti-harakatlari o'rganib chiqilganida holatga guvoh bo'lgan talabalar L.Uralov, Sh.Amirov, F.Norbekov va tarbiyachi-pedagog H.Imomnazarovning bergan ko'rsatuvlari, shuningdek yozib olingan ovozli yozuvlar hamda 3-son talabalar turar joyi kengashi raisi A.Raxmonaliyev tomonidan taqdim etilgan hujjatlar bilan o'z tasdig'ini topgan.

Talaba M.Imomova o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksi 14-moddasining ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak ijobiy taassurot uyg'otish), 16-moddasi birinchi qismi birinchi xatboshisi (haqoratlash), 16-moddasi birinchi qismi uchinchi xatboshisi (tinchlik va osoyishtalikka qarshi tajovuz qilish, janjallashish) 18-moddasi birinchi qismi (xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik,

halollik va adolat tamoyillariga asoslanishi), 18-moddasi ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etilishi), 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da belgilangan qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2021-yil 1-martdagi 08-44-son buyrug'i bilan tasdiqlangan Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan universitet Odob-axloq komissiyasining 2022-yil 13-dekabr kungi 20-son yig'ilish bayoniga muvofiq,

### **B U Y U R A M A N:**

1. Toshkent davlat yuridik universiteti Odob-axloq komissiyasining 2022-yil 13-dekabrda 20-son yig'ilish bayoni ma'lumot va ijro uchun qabul qilinsin.

2. Jinoiy odil sudlov fakulteti 2-kurs talabasi Imomova Marjona Burxon qiziga hayfsan e'lon qilinsin.

3. Fakultet dekanlari:

ushbu buyruq mazmun-mohiyatini talabaning shaxsini sir tutgan holda barcha talabalarga yetkazish chorlarini ko'rsin;

kelgusida talabalar o'rtasida shu kabi holatlarning yuzaga kelishini oldini olish maqsadida ularga belgilangan qoidalarga rioya etishlari bo'yicha keng tushuntirish va targ'ibot ishlarini olib borsin;

talabalarning Odob-axloq kodeksi talablariga rioya etishlari, ustozlarga hurmat bilan munosabatda bo'lishlari, universitet qadriyatlarini qadrlashlarini doimiy nazorat qilib borsinlar.

4. Jinoiy odil sudlov fakulteti (D.Kamalova):

talaba M.Imomovaga shu va shu kabi holat takroran sodir etilganda unga nisbattab talabalar safidan chetlashtirilish inzomiy jazo chorasi qo'llanilishi to'g'risida ogohlantirsin;

mazkur buyruq nusxasi talabaning shaxsiy hujjatlar yig'majildiga tikilishini ta'minlasin.

5. Ushbu buyruq ijro nazorati birinchi prorektor A.Xashimhonov zimmasiga yuklatilsin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

D.KAMALOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

